

ХОТИРА ВА ЮБИЛЕЙЛАР / ХРОНИКА И ЮБИЛЕИ / CHRONICLE AND ANNIVERSARIES



ЭГАМБЕРДИЕВ ХАМРОҚУЛ ТУРСУНҚУЛОВИЧ – 60 ЁШДА!

Эгамбердиев Хамрокул Турсункулович 1961 йил 5 ноябрда Тошкент шаҳрида таваллуд топган. У 1984 йилда Тошкент давлат университети (ТошДУ)ни муваффақиятли тугатиб, 1984-1990 йилларда ТошДУ Физика факультети Атмосфера физикаси кафедрасида муҳандис, 1990-1991 йилларда кичик илмий ходим, 1992-1994 йилларда ассистент, 1994-1996 йилларда катта ўқитувчи, 1996-2000 йилларда Атмосфера физикаси кафедрасида доцент вазифасини бажарувчи, 2002-2006 йилларда Атмосфера физикаси кафедраси мудири, 2005-2012 йилларда Умумий физика, физикани ўқитиш услуги ва атмосфера физикаси кафедраси доценти, 2012-2013 йилларда Умумий физика кафедраси доценти, 2013-2019 йилларда Астрономия ва атмосфера физикаси кафедраси доценти, 2019-2021 йилларда Астрономия ва атмосфера физикаси кафедраси профессори вазифасини бажарувчи лавозимларида ишлаган, 2021 йилдан ҳозирги кунга қадар Гидрометеорология факультети Метеорология ва иқлимшунослик кафедраси мудири лавозимида ишлаб келмоқда.

Х.Т.Эгамбердиев 1995 йилда 11.00.01 – Табиий география ва 11.00.09 – Метеорология. Иқлимшунослик. Агрометеорология ихтисосликлари бўйича география фанлари номзоди илмий даражасини олиш учун “Ўзбекистонда қуёш энергияси ресурсларини антропоген омиллар ҳисобга олинган тақсимланиш хусусиятлари” мавзусида номзодлик ҳамда 2019 йилда 11.00.04 – Метеорология. Иқлимшунослик. Агрометеорология ихтисослиги бўйича география фанлари доктори (DSc) илмий даражасини олиш учун “Ўзбекистонда антропоген омилларни ҳисобга олган ҳолда атмосфера тиниклигининг қуёш энергияси ресурсларига таъсири” мавзусида докторлик диссертацияларини ҳимоя қилган. 2005 йилда Ўзбекистон Республикаси Вазирлар Маҳкамаси ҳузуридаги Олий аттестация комиссияси қарори билан унга доцент илмий унвони берилган.

Х.Т.Эгамбердиев иш фаолиятида 100 дан ортиқ ўқув адабиётлари, илмий мақолалар чоп эттирган. Унинг ҳаммуаллифлигида 17 та ўқув адабиётлари, шу жумладан 7 та дарслик, 10 та ўқув қўлланмалар чоп этилган. Х.Т.Эгамбердиев томонидан яратилган 12 та карта Ўзбекистон Миллий атласига киритилган.

Гидрометеорология илмий-тадқиқот институти ҳузуридаги илмий даражалар берувчи DSc.27/30.12.2019.Gr.47.01 рақамли ва Самарқанд давлат университети ҳузуридаги илмий даражалар берувчи DSc.03/30.12.2019.Gr.02.07 рақамли Илмий кенгашлар аъзоси.

Гидрометеорология илмий-тадқиқот институти ҳузуридаги илмий даражалар берувчи DSc.27/30.12.2019.Gr.47.01 рақамли Илмий кенгаш қошидаги илмий семинар раиси ўринбосари. Ўзбекистон миллий университети ҳузуридаги DSc.03/30.12.2019.Gr.01.06 рақамли илмий кенгаш қошидаги 11.00.01 – Табиий география, 11.00.02 – Иқтисодий ва ижтимоий география ихтисосликлари бўйича илмий семинар аъзоси.

Х.Т.Эгамбердиев республика миқёсида бажарилган қатор грантларда иштирок этиб келмоқда, Ўзбекистон Республикаси Инновацион ривожланиш вазирлиги ҳузуридаги “Ер ҳақидаги фанлар” Илмий-техник кенгаши аъзоси ҳисобланади.

Х.Т.Эгамбердиев университет жамоаси ва мутахассислар орасида ҳалол меҳнати ва олийжаноб фазилатлари боис хурмат-эътибор қозонган. У ҳар ишда ташаббускор, тўғрисиўз, касбдошларига меҳрибон ва ғамхўр, хушмуомала, камтар, касбига меҳр билан муносабатда бўлади. Оилали, уч нафар фарзанди бор.

Гидрометеорология илмий-тадқиқот институти ҳамда Ўзбекистон Миллий университети Гидрометеорология факультети жамоалари Ҳамроқул Турсункуловични таваллудининг 60 йиллиги билан муборакбод этади.